

共同經課-1 撒母耳記上三章一節～十節、十一節～二十節

1 Gin-ná撒母耳tī í-lī ê面前服事耶和華。當hiah-ê日，耶和華ê話真稀罕，無常常有啓示。2 一日í-lī囧tī家已ê所在，伊ê目矚已經bū，看boē明。3 上帝ê燈iáu未hoa，撒母耳已經tī耶和華ê殿，tī上帝ê約櫃hia，teh囧。4 耶和華叫撒母耳；伊應講，我tī-chia。5 就走到í-lī hia，講，我tī-chia，因爲你叫我。í-lī講，我無叫你，你tò去囧。伊就去囧。6 耶和華koh叫撒母耳；撒母耳起來，去í-lī hia，講，我tī-chia，因爲你叫我。伊應講，我ê kiáⁿ ah，我無叫你，thang koh去囧。7 Hit時撒母耳iáu未bat耶和華，耶和華ê話未有啓示伊。8 耶和華第三pái叫撒母耳。撒母耳起來，去í-lī hia，講，我tī-chia，因爲你叫我。í-lī chiah知是耶和華叫gín-ná。9 Tùi án-ni，í-lī kā撒母耳講，你koh去囧；伊若koh叫你，你就講，耶和華ah，請你講，你ê奴僕聽。撒母耳就去囧tī伊ê所在。10 耶和華koh來khia-teh，親像前kúi-nā pái叫，撒母耳ah，撒母耳ah。撒母耳應講，請講，你ê奴僕teh聽。11 耶和華kā撒母耳講，看ah，我tī以色列中beh行一項事，hō聽見ê人，兩個耳孔beh抖(tiō)起來。12 我論í-lī ê家所講ê，到hit日頭到尾我beh應驗tī伊。13 我bat kā伊講，我beh爲tiòh伊所知ê罪，永遠審判伊ê家；因爲伊ê kiáⁿ家已招咒詛，伊也無禁止in。14 所以我有對í-lī ê家chiù-choā講，í-lī ê家ê罪過，雖然祭祀禮物，永遠boē會贖回。15 撒母耳囧到天光，就開耶和華ê殿門。撒母耳m敢將異象kā í-lī講。16 í-lī叫撒母耳，講，我ê kiáⁿ撒母耳ah。伊應講，我tī-chia。17 í-lī講，耶和華對你講甚麼？求你m-thang隱瞞tī我；若將伊所kā你講ê對我隱密一句，願上帝加倍責罰你。18 撒母耳就將hiah-ê話lóng kā伊講，也無對伊隱瞞。í-lī講，是耶和華，願伊照伊所看做好ê來行。19 撒母耳漸漸大漢；耶和華kap伊tī-teh，hō伊所講ê，無一句無應驗。20 Tùi Tàn到別士巴，所有ê以色列人lóng知撒母耳設立做耶和華ê先知。

共同經課-2 詩篇三九篇一節～六節、十三節～十八節

1 耶和華 ah，你已經鑑察我，bat 我。2 我坐落去，我 peh 起來，你 lóng 知； 你 tùi 遠遠知我 ê 念頭。3 我行路，我倒 tī 眠床，你 lóng 詳細知； 我一切所行 ê，你也深知。4 耶和華 ah，我 ê 嘴所講 ê 話， 你無一句 m 知。5 你 tī 我 前後圍我， 按手 tī 我 ê 頂面。6 Chit 款 ê 知識奇妙，我 boē 能測度； 真高，我 boē 能到。13 因爲我 ê 臟腑，是你所創造 ê； 我 tī 老母 ê 腹肚內，你有庇佑我。14 我 beh 感謝你，因爲我受造奇妙 thang 驚； 你 ê 所做奇妙；這是我 ê 心深知 ê。15 我 tī 暗中受造， Tī 地 ê 真底受連絡， Hit 時我 ê 形體無隱瞞 tī 你。16 我 bē 成形 ê 體質， 你 ê 目矚已經看見， 所定 tiòh ê 日，iáu 未有一日， Lóng 記 tī 你 ê 冊。17 上帝 ah，你 ê 意思對 tī 我，到 chiah 寶貝！ Hit-ê 數額，到 chiah choē！18 我若 beh 算伊， 妣海沙 khah-choē； 我囧精神 ê 時，猶原 kap 你相 kap tī-teh。

共同經課-3 哥林多前書六章十二節～二十節

12 凡事我 lóng thang；但是無一盡有利益。凡事我 lóng thang，但是無一項我 beh hō伊管。13 食是爲 tiòh 腹肚，腹肚也是爲 tiòh 食，總是 chit 兩項上帝 beh 廢伊。獨獨身軀 m 是爲 tiòh 淫亂，是爲 tiòh 主，主也是爲 tiòh 身軀。14 上帝 bat hō主 koh 活，也 beh tùi 伊 ê 權能 hō咱 koh 活。15 Kiám m 知 lín ê 身軀是基督 ê 百體？我 kiám thang 將基督 ê 百體 hō伊做娼妓 ê 百體 mah？斷斷 m-thang。16 á 是 lín m 知 kap 娼妓連合 ê，是 kap 伊做一體？因爲講，兩個 beh 成做一體。17 獨獨 kap 主連合 ê 是一個神。18 Tiòh 閃避淫行。人所犯 tàk 項 ê 罪 lóng 是身軀外 ê；但是行姦淫 ê 是犯罪到 tī 家已 ê 身軀。19 á 是 lín m 知 lín ê 身軀就是聖神 ê 殿；聖神 tiàm-tī lín，就是 lín tùi 上帝所有 ê？koh lín m 是家已 ê；20 因爲是用價錢買 ê；所以 tiòh tī lín ê 身軀榮光上帝。

共同經課-4 約翰福音一章四十三節～五十一節

43 Koh 隔日，耶穌 beh 去加利利，tú-tiòh 腓力；就 kā 伊講，Tè 我。44 腓力是伯賽大 ê 人，kap 安得烈彼得同城。45 腓力 tú-tiòh 那但業，就 kā 伊講，摩西記 tī 律法 kap chiah-ê 先知所記 ê，阮已經 tú-tiòh 伊，就是約瑟 ê kiáⁿ，拿撒勒人，耶穌。46 那但業 kā 伊講，拿撒勒 kiám 會出甚麼好物 mah？腓力講，來看。47 耶穌看見那但業就近伊，就 chí 伊，講，你看，真正是以色列人，sim 無詭譎 ê。48 那但業 kā 伊講，Tùi tá-lòh bat 我？耶穌講，腓力 iáu-bē 叫你，你 tī 無花果樹腳，我已經看見你 lah。49 那但業應伊講，拉比，你就是上帝 ê kiáⁿ；你就是以色列 ê 王。50 耶穌應伊講，因爲我 kā 你講，我已經看見你 tī 無花果樹腳，你就信 mah？你 beh 看見 tai-chi 比 chiah-ê khah 大 ê。51 Koh kā 伊講，我實實 kā lín 講，Lín beh 看見天開，上帝 ê 天使上落 tī 人子 ê 頂面。